



**Corpus Juris Canonici, Per Regulas Naturali Ordine
Digestas, Usuque Temperatas, Ex Eodem Jure, Et
Conciliis, Patribus, Atque Aliunde Desumptas, Expositi**

Opus, Tum In Rebus Obscuris Claritate, Tum Dispersis Collectione ac
delectu, in contrariis conciliatione, eximium, simulque Indicibus ac
Præfationibus, Notisque quamplurimis & exquisitis illustratum, ; In Tres
Tomos divisum

Complectens Prolegomena Ad Jus Canonicum In Se Et Universim
Consideratum

Gibert, Jean-Pierre

Coloniæ Allobrogum, 1735

Sectio XI. Notæ Historicæ circa Acta Conciliorum Generalium.

[urn:nbn:de:hbz:466:1-74413](https://nbn-resolving.de/urn:nbn:de:hbz:466:1-74413)

Ecclesiastici Sæculares ac Regulares eant Constantiopolim sine licentia Episcopi sui; & jubet, ut si magnus Defensor Ecclesiae Constantinopolitana tales peregrinos reperiatur, moneat eos, ut abeant, nolentes autem ex Urbe ejiciat. *Can. 24.* Pœnas Canonicas comminatur in Episcopos, qui finent Monasteria Deo dicata Laicis dari. *Can. 25. & 26.* Statutum, ut bona Ecclesiastica administrentur per Aënomos ab Episcopo electos, tam sede vacante, quam occupata.

Carteri Canones ejusdem Concilii, vel Judicia Ecclesiastica, vel administrationem Sacramentorum, vel Irregularitatem resipiunt. *Can. 9. 17. & 21.* ad primum Caput pertinent: nam 9. jubet, ut si Clericus cum alio Clerico litiget, ad Tribunal Episcopi recurrat, vel, si Lis fuerit contra Episcopum, Metropolitani audeat, vel denique Exarcham, aut Patriarcham Constantinopolitanum, si res cum Metropolitanano fuerit. *Can. 17.* jubet, ut si de Parochiis ruralibus & Episcopatu vicinis quæstio mota fuerit, iudex eas addicat ei, qui illas ab annis 3. possidet, & renovat quod dictum fuit de reverali ad Exarcham, vel Patriarcham Constantinopolitanum, cum Lis est aversus Metropolitanum. *Can. 21.* prohibet, ne accusatio contra Episcopos ab aliis Clericis, vel Laicis proposta, admittatur, priusquam fama accusatorum discutatur, sub Canonice penis.

Can. 25. & 27. pertinent ad Sacramentorum administrationem: nam 25. præcipit, ut Metropolitanus consecret Episcopos intra tres menses, nisi legitimo impedimento definetur: 27. præcipit Episcopis, ut eos, qui, sub obtenu Matrimonii, mulieres rapiunt, affiant pena depositionis, si Ecclesiastici fuerint, Excommunicationis, si Laici. Ad idem Caput referri possunt *Can. 14. & 15.* in eo, quod jubent circa Matrimonium. *Can. 15.* pertinet ad Irregularitatem, in eo, quod prescribit atatem XL. Annorum ad promotionem Diaconissarum, & ad Sacramentorum administrationem: in eo, quod dicit, de examine præmittendo huius Promotioni.

Jam absolvimus enumerationem Canonum Concilii Caledonensis, ad Capita supra observata reductorum, & tam generatim, quam sigillatum consideratorum. Facile foret idem ostendere quoad omnia Statuta Conciliorum Generalium posteriorum, nec medicus foret eius operis utilitas; nam sic conficeretur epitome Discipline Ecclesiasticae, ab eius exordio. usque ad hoc tempus ex eius monumentis authenticis eruta: verum longius excurseret tractatus, limitesque propositi operis excederet, in quo intendimus dare solummodo aliquas observationes historicas circa Concilia Generalia.

S-E-C-T-I-O XI.

Note Historicae circa ACTA Conciliorum Generalium.

Multa sunt observanda circa ACTA Conciliorum Generalium. 1. Quænam sunt Concilia, quorum ACTA habemus, & quorūnam ACTIS caremus. 2. Quænam sunt divisiones Actorum superfluum 3. Ex quibus Instrumentis constat. 4. Quinam sunt Caracteres eorum, Epochas, seu Datas distinguenter.

Ex Octo Prioribus Conciliis, seu Orientalibus, duo sunt, quorum ACTA non existunt; scilicet Nicenum, & Constantinopolitanum I. nam propriè loquendo ACTA Conciliorum nihil aliud sunt, quam diaria, seu relations rerum in iis gestarum autoritate Concilii confecta. Ex duobus autem prioribus, superflunt tantum definitio in Symbolo comprehensa, & aliqui Canones: reliquorum sex habemus ACTA Graeco-Latina; quod necessarium fuit, ut Communia fierent utriusque Lingua Episcopis & prefertim Latinis, qui magnam in iis partem habuerunt.

Quoad XIII. Concilia Generalia Occidentalia Sex tantum sunt, quorum ACTA existant; nempe Pisani, Constantiensis, Basileense, Florentinum, Lateranense V. & Tridentinum: nam Quatuor priorum Lateranensium supersunt tantum Canones, & aliquot Epistolæ Convocatoriae. Hoc Quarto peculiare est, quod ejus Canones sint Latini & Graci, ex primitivo scilicet idiomate translati in Græcum statim post redactionem, ut a Gracis Patribus, qui Concilio adfuerant, in Græciam deferrentur. Quoad Concilium Viennense, superflunt tantum ejus Definitiones inserte collectioni Clementinorum, & Sententia extinctionis Ordinis Templariorum, cum Epistola circulari convocationis, nec non Epistola Commissionis ad inquirendum adversus Templarios cum nominibus eorum ad quos, vel saltem dignitates, ad quas inscriptæ fuere. Quoad duo Concilia Lugdunensia, solas habemus Constitutiones eorum, quarum pleraque relata sunt in collectione BONIFACII VIII. & Epistolas circulares convocationis, cum Epitome rerum illic gestarum, item Sententiam adversus FRIDERICUM, Imperatorem latam in priori, & aliquot Instrumenta, circa unionem Græcorum cum Latinis, tractatam in posteriori.

Cum res Concilium immediate præcedentes & sub sequentes, non sint partes Concilii, sed alia sint præludium, alia appendices, minus accurate dividendae, Acta Conciliorum in tres partes, quarum prima continet Instrumenta ante Concilium confecta; 2. Complectetur Instrumenta facta in Concilio, aut relata in Concilio, prævia ad definitiones sanciendas aut ferenda in eo iudicia; commoda tamen foret haec Divisio, posito, quod aliquis de omnibus omnino illis ACTIS differere vellet. Sed cum loquamus solum de Instrumentis, quæ propriè dicuntur ACTA Conciliorum, rejecta illa divisione, tres alias afferemus. Primo dividuntur ACTA in ACTIONES. 2. In COLLATIONES. 3. In SESSIONES. 1. Divisio reperitur solum in Concilio Constantinopolitano II. sive V. Generali. 3. usurpata fuit in Conciliis Pisano, Constantiensi, Basileensi, Florentino, Lateranensi V. Tridentino. Horum factorum veritas cognosci potest ex inspectione Actorum predicatorum. Eamdem divisionem fecuti sunt Historici, qui retulerunt gesta Conciliorum Lugdunensium & Viennensis, ut docent Notæ circa posterius & Epitome aliis duobus prefixa; ibi legitur, tres fuisse Sessiones in Lugdunensi I. sex, in II. & tres, in Concilio Viennensi.

Quadruplex est, ut plurimum, Instrumentorum genus inter ACTA Conciliorum Orientalium, quod in ACTIS Occidentalium non repertas. 1. Enumeratio omnium Prælatorum, qui Actioni, per se ipsos, aut per Legatum adfuerunt: item Magistratum praesentium. Ex hac observatione excipienda sunt aliquot Sessiones Concilii Lateranensis V. & Concilii Tridentini, quarum initio occurrit Index Prælatorum, Procuratorum, & Legatorum Principum, qui eis Sessionibus interfuerunt.

2. Genus Instrumentorum, quod in Conciliis Orientalibus, non verò in Occidentalibus occurrit, est collectio sententiarum omnium Patrum in propriis verbis. Hæc collectio collata cum enumeratione præcedenti, ostendit, omnes Prælatos, qui Concilio adfuerunt, ejus definitionem comprobasse.

3. Genus Instrumentorum est collectio testimoniorum Patrum & Conciliorum præcedentium, quæ versantur circa Caput definiendum. Hujus collectio utilitas in eo sita est, quod definitionis Concilii conformitatem exhibeat, cum definitionibus præcedentibus ex Traditione.

Ultimum genus Instrumentorum sunt subscriptio nes uniuscujusque Patris, quæ Notam paulò supra positam confirmant. Hæc collectio interficit, præterea; ad exhibendum ordinem Sessionis Patrum in Concilio. Concilium Florentinum ab hac observatione

ne excipendum est, utpote cuius subscriptiones existant.

Quemadmodum in Actis Conciliorum Orientalium sunt Instrumenta, quæ in Conciliis Occidentalibus non existunt, ita quædam sunt genera Instrumentorum Conciliis Occidentalibus peculiaria. Tales sunt Epistola circulares attinentes ad convocationem, in XIII. & XIV. saeculo usurpatæ, ut videre est in Concilio Lateranensi IV. in Lugdunensis duobus & in Vienensi: Tales sunt Bullæ Indictionis, quæ Epistolis successerunt.

Inter Instrumenta, quæ leguntur in Conciliis quorum Acta non habemus, quædam sunt, quæ reperiuntur, in pluribus, quorum Acta habemus. Talia sunt Symbola Nicænum & Constantinopolitanum, quæ seorsim, aut conjunctim videntur, in Concilio Ephesino A.D. 6. in Calcedonensi A.D. 2. in III. Constantinopolitanum, Sexto Generali A.D. 18. in Niceno II. A.D. 7. in Concilio Florentino Sess. 5. in Concilio Tridentino Sess. 3.

Præterea, in Conciliis, quorum Acta supersunt, quædam sunt Instrumenta, quæ in Actis plurim Conciliorum reperiuntur, v.g. Acta pseudo-Synodi Ephesina referuntur in Concilio Calcedonensi, sicut in Ephesino Concilio; sed cum hoc discrimine, quod hic simpliciter referuntur, illic refelluntur. Ex Instrumentis ad verum Concilium Ephesinum pertinentibus, quædam sunt in Actis Concilii Calcedonensis, & in Actis Concilii Constantinopolitanis V. quod provenit ex eo, quod causa Theodoreti, Episcopi Cyrani, Ibae, Episcopi Edeseni, Theodori Mopsuestiani, cohæreat cum Nestorianæ, in Concilio Ephesino discussa, cumque Eutychiana, apud Calcedonens. ventilata, eaque ipsa causa in Concilio Generali V. consultò discussa fuerit.

Epocha, sive Data Conciliorum Generalium denotatur, modo per solum Annum Consulatum Imperatorum, ut in Quatuor prioribus; modo per eundem Consulatum, & per Annum Indictionis, ut in Quatuor sequentibus; modo per Indictionem, & per annum Incarnationis, ut in plerisque reliquis, quorum data ex documento autentico cognoscitur, vid. *Lateran. III. Concil. Pisanum, Conc. Constantiense, Lateranense V. & Conc. Trident.* modo per solum Annum Incarnationis, ut in Concilio Bafleensi; modo, per Annum Incarnationis & Annum Pontificatus, sub quo habitatum fuit, ut in Florentino *Conc. Tom. XIII. pag. 1168.*

SECTIO XII.

Note Historica circa SUBSCRIPTIONES Conciliorum Generalium.

Sæptem duntaxat Generalia sunt Concilia, quorum autem has Subscriptiones habeamus: nempè, Sex Orientalia postrema, & Unum Occidentale, seu Florentinum.

Ex iis Subscriptionibus patet, 1. Prælatos, qui Concilio per Procuratorem intererant, per Procuratorem quoque subscripsisse. Probationes repeate supra, ubi de Assistentia per Procuratorem.

2. Nullus Abbas Concilia Orientalia suo nomine subscriptus; omnes autem, qui ad Florentinum convererunt, quique non pauci sunt, suo nomine subscripti.

3. In iisdem Subscriptionibus Florentinis, duo treve Monachi reperiuntur, qui Abbatum suorum loco subscripti.

4. Unus præterea Prior, unusque Abbas veterani atque honorarii subscripti Conciliis.

5. JOANNES PALEOLOGUS, Imperator, eidem subscriptus, primus Græcorum, sine ulla restrictione: ejus autem Praedecessores Imperatores Orientis non subscripti Conciliis, quibus adfuerunt, vel saltet post omnes Prælatos subscripti, ut CONSTANTINUS

Tom. I.

POGONATUS, in 6. Concilio. CONSTANTINUS & IRENE in Niceno II. vel post Patriarchas; ut Imperatores BASILIUS, CONSTANTINUS, & LEO, in Concilio Generali VIII. vel ubi antè omnes subscripti, adiecere clausulam, se subscripti recipiendo Definitiones, seu Constitutiones à Prælatis factas, ut JUSTINIANUS Rhinotmetos, in Concilio Trullano.

Forte dicendum est, Decretum Florentiæ confectum esse quoddam veluti Concordatum inter duas Ecclesiæ, cuius autor fuit Imperator, cujusque executionem, quoad Ecclesiam Græcam, procurare debet idem Imperator, qua dupli de causâ, primus inter Græcos subscriptus.

6. In Subscriptionibus Conciliorum Orientalium Episcopi non usurpant nomen in Baptismo sibi impositum, sed Pro-nomen suum, cum cognomine Dignitatis sua; in Subscriptionibus Concilii Florentini adhibentur nomina è Baptismo & Dignitate petita.

7. Subscriptiones non omnes iisdem verbis concipiuntur non solum in diversis Conciliis, sed etiam in eodem v. g. in Synodo Ephesina, tres hæ formulæ reperiuntur *cum Sancta Synodo prouinçians subscripti, & Synodo consentiens subscripti, & subscripti, simpliciter.* In Concilio Calcedonensi dux, ego definiens subscripti, & subscripti solitariæ.

Priores ex Patribus Concilii Generalis V. suis Subscriptionibus definitionis summam inferuerunt, dicens, se recipere IV. Priora Concilia Generalia, se anathematizare p̄e omnibus Hæreticis & eorum Scriptis, impium Theodorum Mopstestanum, ejusque Scripta impia, item impiam Ibae Epistola & Scripta impia Theodoreti, denique omnes illis consentientes: reliqui declarant, se suscipere & damnare ea, quæ præcedentes reperant & damnaverant.

In Concilio Nicæno II. Tarasius, Patriarcha Constantinopolitanus his verbis subscriptus . . . Paterna dogmata sequens & traditionem Ecclesia Catholica subscripti. Ceteri eadem formula utuntur vel hæc subscripti, similiter.

In Concilio Generali VIII. Legati Pontificis subscripti his verbis . . . Locum obtinens Domini mei Hadriani, Summi Pontificis, & Universali Papa, omnia quæ superius leguntur, huic Sancta Synodo præsidens, usque ad voluntatem ejusdem eximiæ Presulis, promulgavi & propria manu subscripti. Patriarcha Constantinopolitanus subscriptus hoc modo: Sanctam hanc & Universalem Synodam suscipiens, & omnibus, quæ ab ea iudicata & scripta sunt concordans & definiens subscripti, propria manu. Legati aliorum Patriarcharum idem faciunt. Imperator & Episcopi deinceps utuntur eadem formulâ omisso definiens.

Inter Prælatos, qui Concilio Ephesino subscripti, multi dixerunt *minimus Episcopus*, quod exemplum imitati sunt plures in Conciliis subsequentibus. Non nulli in 5. scripserunt *humilis vel humillimus*. In sequentibus multi scripsere *indignus*, vel *peccator*. In Concilio Calcedonensi, & in sequentibus, plures Episcopi dicunt se Episcopos *gratia Dei*; alii *misericordia*. Presules Florentini nullum ex his titulis usurpaverunt, nisi tres Archiepiscopi Græci, qui scripsere *humilis Archiepiscopus*, & præter unum itidem Græcum Episcopum, qui dixit *gratia Dei*, vel *misericordia*.

Aliquid est singulare & notabile in Subscriptionibus Concilii Calcedonensis in fine earum, quæ Canonibus subjacent, sub finem *Actionis ib.* nempè, cùm Legati Sedis Apostolice quefi essent, Patres Concilii Patriarcha Constantinopolitano, Sessionem antè reliquos Patriarchas, post Romanum, concessisse, contra Canonum tenorem, siamque voluntatem, Magistratus justerunt Canones circa hanc professionem referri: Lectis autem *Canone 6. Niceno*, & *Quinque Prioribus Canonibus Constantinopolitanis I. Judices declaraverunt*, Episcopos Asiae & Ponti, qui Patriarcha Constantinopolitano submitti se passuerant, id libera fecisse voluntate.

I 2 . . . Plerique